

Thapelo le go ipobola bobele

Lengwe la mabaka a a mosola mo thapelong ke gore botshelo jwa morapeledi bo tshwanetse go nna phepa. O tshwanetse go ipobola maleo a a lemogang a be a a tlogele. Thapelo e kgorelediwa ke sebe sefe kgotsa sefe. Go mosola go atamela Modimo ka thapelo e e phepa. Mo kgaolong e, go na le palo ya dibe tse di kaiwang mo Lokwalong lo lo Boitshepo. Lebelela palo e, ka thapelo mme o kope Mowa o kgalalelang go rebolola maleo a gago ka pele le go ipobola fa pele ga Morena. E bile go mosola go ipobola dibe tsa gago tse di fetileng. Arola botshelo jwa gago jaana; pele ga sekolo, Arola sekolo-potlana, sekolo se segolo, morago ga sekolo, botshelo jwa lenyalo, jalo-jalo, mme o kope Mowa o kgalalelang gore o go bontshe dibe tse o di dirileng ka nako eo, tse o sa ipobolang tsona. Dira lenaneo la tsona. Mme o ipobole fa pele ga Morena bongwe ka bongwe. Ge Morena a go bontsha ka mokgwa o, o ka nne wa rapela dibe tse le Mokaulengwa yo mongwe gore dilo tse di be mo leseding le yo mongwe. (Jak 5:16)

Phetogo e diriswa ka mekgwa e mebedi mo Beibeleng. Mo maamong a ntlha, phetogo e kaya gore mongwe o amogela Morena Jesu jaaka Mopholosi a mmusetsa kwa Modimong. Labobedi, Beibele e bolela ka phetogo ya Modumedi e e ka arogangwang ka phetogo e e tswelelang. Motho yo o amogelang Jesu jaaka Mogolodi o tshwanetse go ipobola dibe tsa gagwe jaaka Mowa o Kgalalelang o kaya o bo o mmontsha. Modumedi o ipobola sebe fela se a iseng a ipobole sona fa pele ga Morena, jaaka dilo tse di diragalang gompiano le maabane. Go a gonagala gore Mowa o kgalalelang o go bontshe sebe sa gago se se fetileng se o iseng o ipobole.

Melao e e latelang e ka diriswa mo go ipoboleng dibe:

- Sebe se o se dirileng magareng ga gago le Modimo se ipobolwa gare ga gago le Modimo.
- Fa o diretse mong-ka-wena bolele, o ipobole mo go ene, o kope maitshwarelo, o bo o **ipobola** kwa Moreneng gape.
- **Pusetso** e tshwanetse go direlwa yo o mo utlwisitseng botlhoko jaaka go utswetsa mongwe, kgotsa bobaba magareng a gago le yo mongwe. Ka mafoko a mangwe o tshwanetse go baya dikgang sentle, busetsa dilo tse o di utswitseng morago, o bo o ipobola go tsaya karolo mo lobakeng loo.
- Sebe se se dirilweng mo setlhopeng se tshwanetse sa ipobolwa mo setlhopeng le fa pele ga Morena.
- **Boipobolo bo tshwanetse go dirwa ka kelotlhoko** o e sere gongwe bosiamolodi ba dirwa, jaaka; ke bolelele go ipobola megopolo e mebe mo mothong ka motho. Ka tsela eo o ka gobotsa motho thata go feta bontle. Mosola wa go ipobola ke go tiisa pholo e seng karogano. Fa mongwe a itse gore o buile ka nee, ipobole. Fa a sa itse o seka wa mmolelela, gone se se tla mo utlwisana botlhoko. Fa Morena a go bontsha, rapela le Mokaulengwa yo o ikanyegang ka lebaka le.

Martin Luther o kile a re fa ke ipobola sebe fa pele ga Morena, e tliša boitshwarelo, fela fa ke ipobola go Makaulengwa yo mongwe e tliša kgololosego mo sebeng. Jak 5:16 'a re, re tshwanetse go ipobolelana dibe. Ipobolo go mokaulengwa yo mongwe e a batlega fela ga se molao.

Fa o sa bone kgololosego fa o ipobola fa pele ga Morena, rapela le mokaulengwa yo mongwe. Ke go eletsā gore o rapele le moetapele – semoweng mo dibeng tse di leng boteng (sa thobalano).

Tlhokomela go itlhatlhuba thata, jaaka, o fela o batlana le sebe mo go wena, ke tiro ya Mowa o Kgalalelang go re lemosa sebe. Joh 16:8 a re: 'Fa a sena go tla, o tla lemosa lefatshe boleo le tshiamo le katlholo.' Mo solofele gore o tla go bontsha dilo tse di siameng mo botshelong jwa gago mme wa ipobola sebe seo.

Dibe tse re tshwanetseng go sokologa mo go tsona:

Go kgala – 2 Tim 3:2
Bootswa – 1 Bakor 6:10
Go tenega – Baef 4:6
Boikgantsho – Baroma 1:30
Tlhaloganyo e mpe – Mar 14:71
Megopolo e mebe – Mar 7:21
Bogalaka – Baef 4:31
Go kgala Modimo – 2 Tim 3:2
Go ipoka – Jak 4:16
Komano – Baef 4:31
Go se itshware – 2 Tim 3:2
Bolotsana – Mar 7:22
Boikgogomoso – 2 Tim 3:4
Bogatlapa – Ditiro 13:13
Tshotlo – Baroma 14:13
Thogako – Baefeso 4:29
Boitaolo – Bagalata 5:19
Go nyama – Numeri 21:4
Go se utlwe – Baroma 1:30
Maitseanape – 2 Dikgosi 1:16
Pelaelo – Math 14: 31
Botagwa – Bagalata 5:21
Boikgogomoso-tota-tota – 2 Tim 3:2
Go se tsalane – Bagalata 5:19-22
Dikeletso tse mpe – Bakolose 3:5
Dikgaogano tsa maiterelo – Bagalata 5:19-21
Maaka – Diane 16:30
Letshogo – Tshenolo 21:8
Botlaela – Mar 7:22
Dikgokafalo – Mar 7:21, Tshenolo 21:8
Khumo e mpe – Tito 1:7
Batlhoi-ba-Modimo – Baroma 1:30
Dipuo – Baroma 1:30
Go fufega – Jakobo 4:2, Bakolose 3:5
Megagaru – 2 Tim 3:2
Go tlhoka pelo – Baroma 1:31
Letlhoo – 1 Johane 3:15
Go akafala ka boleng – 1 Bakorinthe 6:9
Medimo – Bagalata 5:19
Go tlhoboga – Jesaya 5:13
Lepotlapotla – Numeri 21:4
Lefufa – 1 Bakorinthe 3:3
Go latofatsa ba bangwe – Baroma 14:13
Botswa – 2 Tim 2:15, 1 Bakorinthe 9:27
Boaka – Mareka 7:22
Go tlhoka lerato – Baroma 1:31
Maaka – Tshenolo 21:8, Bakolose 3:9
Bosula – Baefeso 4:31
Tshotlo – (go sotla) – Pesalome 1:1
Polao – Tshenolo 21:8
Go ngunanguna – Ekesodu 16:2
Go ja thata – Diane 23:20
Go itsege (keletse ya go itsege) – 2 Tim 4:10
Go se rapele – Mareko 14:37-38
Kgatello – Baroma 14:13
Go ikgantsha – Luka 1:51
Go omana – Tito 1:7
Pelwana – Tito 1:7
Mafega – 1 Samuele 15:23
Go itlogella – 2 Tim 3:4
Go gana mowa o kgalalelang – Ditiro 7:51
Go se tlotle Sabata – Jesaya 58:13
Bogopo – Jakobe 3:16
Tshiamo ya me – Bafilipi 3:9
Thato ya me – Luka 22:23, Tito 1:7, 1 Samuele 15:23
Boaka – Bagalata 5:19-21
Maikutlo a sebe – Bagalata 5:24
Ditshebo – 1 Petoro 2:1
Boloji – Tshenolo 21:8
Go utlwisana bothoko – Baroma 1:29
Go utswa – Baefeso 4:28
Ntwa – Baroma 1:29
Go ikana – Genesi 25:33
Go tsietsa – Genesi 25:31-33
Go gatagataka madi a Jesu – Bahebere 10:29
Thekiso kwa ntle ga tumallano – 2 Tim 3:29
Go se dumele – Tshenolo 1:29
Maswe – Bagalata 5:19
Go se ikanyege – Baroma 1:31
Go se itshwarele – Math 18:35
Go se leboge – 2 Tim 3:2, Luka 17:17-18
Go se kgalalele – 2 Tim 3:2
Boitshekologo – Baroma 1:29
Lefoko le leswe – Baefeso 4:29
Go ipusuletsa – Baroma 12:19
Ntwa – Baroma 1:30
Boloji – Bagal 5:19-21
Keletso ya lefatshe – 1 Sam 15:1-4
Tsa lefatshe – Jak 4:4
Dikgatlhego tsa lefatshe – 2 Tim 3:4

Ka nako e nngwe kagiso e ka tlhokagala le fa o ntse o ipobotse. O ka dirisa mekgwa e e latelang go fitlhelela mabaka a a dirang gore o se nne le kagiso:

La ntlha: Go a gonagala gore ga o a ipobola gotlhelele ka sengwe. (Ga o amogele gore wena o le mongwe o na le phoso); kgotsa ga wa itshwarela; kgotsa ga wa ba le nnete le Modimo ka sebe sa gago.

La bobedi: Fa o kopile Modimo gore a go itshwarele, a bo a go tlhatswe go ya ka 1 Joh 1:9; gopola gape Baheb 10:22 fa a re o tla re tlhapisisa mo masweng le mo matswalong a mabe. Satane o na le go re sekisa ge Modimo a setse a re tlhatswitse ditlhaloganyo tsa rona ka megopolo ya sebe, ka madi a Morena Jesu Keresete. *'Mme fa re ipobola maleo a rona, ona o boikanyo le tshiamo go re itshwarela, le go re itshekisa tshiamololo yotlhe'* (1 Joh 1:9) *'A re atameleng he ka dipelo tsa boammaaruri, re na le tumelo e e tletseng, re kgatshitswe dipelo, go tlositswe matswalo, re bile re tlhapisitswe mebele ka metsi a a phepa'* (Baheb 10:22)

La boraro: Go ka gonagala gore ga o batle go arogana le sebe se. E ya mangweleng mme o ipobole go ba mo tatlhegong, mme fa go gonagala o kope Morena a go neye thata ya go dira thato ya One ya go robakanya sebe se. O seka wa fitlha megopolo e mebe mo pelong ya gago. Ipobole, o kope Morena go phimolo megopolo e e sa siamang kgotsa ditshwantsho tse di setseng kgatlhanong le sebe, ka madi a gagwe.

La bone: Satane a ka nne a lwa le go go tsietsa kagiso e e mo teng. (Jakobe 4:7) o na le keletso e ntle: *' ka moo ikokobeletseng Modimo, ganetsang Diabolo, mme o tla lo tshaba.'* Temana e, e tshotse dikarolo tse tharo. Sa ntlha, ikokobeletse Modimo. Ganetsa satane. Fa o setse o dirile dilo tse pedi tse, Diabolo o tla tshaba. Go ikokobeletsa Modimo, go raya go tlosa dilo tse tsothle tse di leng magareng a gago le One. Dira gore o ipobotse sebe sotlhe, gape le gore ga o ingaparele mo sebeng ka bomo. Netefatsa gore o kopa Morena gore a go tlhatswe mo letswalong le lebe. Fa o setse o dirile dilo tse tsothle tse, o ka ganetsa yo Mobe ka Leina la Morena Jesu e be wa mmotsa gore a se tlhole a go tshwenya gape. O seke wa belaela gore Morena o setse a go itshwaretse. Ganela dipelaelo le go se dumele ka lebaka la gore Modimo o boikanyo, e bile a rile o tla re itshwarela maleo a rona fa re ipobola.

La botlhamo: Fa o lateletse mekgwa e go boletsweng ka yona mo godimo mme o sa ntse o tlhoka kagiso mo pelong, o seke wa ithekga ka maikutlo a gago a a se nang kgololosego, fela leba Jesu o be o dumele gore o fentse satane kwa sefapanong e bile O go pholositse a bo a go tlhatswa ka madi a gagwe. (Bakol 2:13-15)

Leba ditsholofetso tsa Modimo mme o di dumele, go na le maikutlo a gago a a sa solofelweng. Tshwarelo ya rona e tswa kwa Modimong. Ke koketso kagiso mo dipelong tsa rona. Dira tsholofetso ya Modimo ya boitshwarelo, ya gago, ka tumelo. *'Le lona ba lo neng lo sule ka ditlo tsa lona le ka go-sa-rupang ga nama ya lona, o lo phedisitse le ene, wa re itshwarela ditlolo tsotllhe, wa phimola lokwalo lo lo re bayang molato lo lo neng lo emelanye le rona ka melao, wa lo tlosa fa gare ka go lo kokotela mo sefapanong, wa apola babusi le balaodi, wa ba supa mo ponatshegong, wa tlhaba kôma ka bone mo go ene.'* (Bakor 2:13-15)

Go diragala eng ka dibe tsa me fa ke ipobola?

Di tloswa gotlhelele, go tloga kwa Botlhaba go ya Bophirima. 'O tlosetsa ditlolo tsa rona kgakala, jaaka botlhabatsatsi bo le kgakala le bophirimatsatsi. (Pes 103:12)

Modimo o di latlhela moo A ka se diboneng. *'Gonne o latlhetse maleo otlhe a me kwa morago ga gago.'* (Jesaya 38:17)

Modimo ga a re dire go rwala maikarabelo a dibe tsa rona. 'Buang le Jerusalema tse di nametsang pelo, lo mo tlhabele mokgosi o o reng: Boitshwarelo jwa gagwe bo fedile; molato wa gagwe o itshwaretse.' (Jes 40:2) '... gonne Modimo o ithuantse le lefatshe ka Keresete, ka go sa ba balele maleo a bone, wa tlhoma lefoko la thuanano mo go rona. (2 Bakor 5:19)

Modimo o fitlha dibe tsa rona gore di se bonale, *'Go sego motho yo Morena a sa mmaleleng tshiamololo, yo tsietsi e se yong mo moweng wa gagwe.'* (Pes 32:2) 'O itshwaretse molato wa morafe wa gago, wa bipa maleo otlhe a bona' (Pes 85:3)

Modimo o itshwarela dibe tsa rona. 'Nathane a fetola Dafita a re: 'Fa o re jalo, Morena o itshwaretse bolele jwa gago. Ga o nke o swa (2 Sam 12:13) 'O itshwarela maleo a gago otlhe, o fodisa makoa a gago otlhe' (Pes 103:3)

Modimo o latlhela dibe tsa rona mo botennye jwa lewatle. 'O latlhela dibe tsa rona mo botennye jwa lewatle' (Mig 7:19)

Modimo o phimola dibe tsa rona mo sefatlhegong sa lefatshe. 'Ke phimotse maleo a gago jaaka maru, le dibe tsa gago jaaka mouwane. Boela kwa go nna, gonne ke go goletsa' (Jes 44:22)

Re ruangwe le Modimo ka Keresete Jesu. 'Re rapela mo boemong jwa ga Keresete ra re: Ineeleng go ruangwa le Modimo!' (2 Bakor 5:20) 'Ene yo ke

thuanyo ya maleo a rona, mme e seng ya maleo a rona fela, mme ke ya maleo a lefatshe lotlhe.' (1 Joh 2:2)

Modimo o re tlhatswa mo ditading tsa sebe. 'Tlayang he, a re sekisanyeng, go bua Morena: 'Le fa dibe tsa lona di hubitse jaaka madi, di tla sweufala jaaka semathana, le fa e le tse di khibidu jaaka letsoku, di tla nna jaaka boboa jwa nku.' (Jes 1:18) 'ene yo o ratileng, a ba re golola mo maleo a rona ka madi a gagwe.' (Tshen 1:5)

Mme Jesu, Kwana ya Modimo, o rwele dibe tsa rona. 'mme melato ya bone ene o tla e rwala.' (Jesaya 53:11) 'Johane a bo a re: 'Bonang, kwana ya Modimo e e tlosang bolebo jwa lefatshe!' (Johane 1:29)

Jesu o bile sebe sa rona. 'Modimo o mo dirile bolebo ka ntlha ya rona gore re nne basiami fa pele ga ona ka ene.' (2 Bakor 5:21)

Jesu o re lokolotse mo bogobeng jwa sebe. 'Jesu a ba araba a re: 'Ammaaruri, ammaaruri ke lo raya ke re: Mongwe le mongwe yo o dirang bolebo ke motlhanka wa bolebo. Mme motlhanka ga a nne mo ntlong ka gale, mme Morwa o nna ka gale. Fa jaanong Morwa a ka lo golola, lo tla bo lo gololesegile tota.' (Johane 8:34-36) 'Mme jaanong ka lo golotswe mo boleong, e bile lo diregile batlhanka ba Modimo, lo na le leungo la lona le le isang boitshepong, mme bokhutlo ke botshelo jo bo sa khutleng.' (Baroma 6:22)

Modimo o lebala dibe tsa rona. 'Ke nna, ke nna yo ke phimolang dibe tsa gago; ke ka ntlha ya me, fa ke sa tsotelele maleo a gago.' (Jesaya 43:25) 'Gonne ke tla ba itshwarela molato wa bone, ke sa tlhole ke gopola maleo a bone.' (Jeremia 31:34)

Ba tla batla dibe tsa rona ga ba kitla ba di bona. 'Ka malatsi ao le ka sebaka seo, go tla batlwa molato wa Iseraele, mme o tlhokwa; le maleo a Juta, mme ga a bonwe. Gonne ke tla itshwarela ba ke ba sadisitseng.' (Jeremia 50:20)

Moya o kgalalelang o a re netefaletsa gore maleo a rona a itshwaretsewe. 'Mowa ka osi o supetsa mewa ya rona gore re bana ba Modimo.' (Baroma 8:16)